



# **Universitätsbibliothek Paderborn**

**Theses Theologicae De Homicidio**

**Huygens, Gommarus**

**Lovanii, [1684?]**

Conclusio Septima. Ostenditur brevissimè quod non liceat occidere Invasorem facultatum, & fusè quod non liceat occidere Invasorem vitæ.

**urn:nbn:de:bvb:12-bsb10951915-6**

de sua Religionē spargere minantem, occidere, quando aliis modis defendendi non suppetit, ut suppetere non videtur, si calumniator sit paratus vel ipsi Religioso vel ejus Religioni publicè, & eorum gravissimis viris predicta impingere, nisi occidatur. Hæc est 17. inter condemnatas ab Alexandro VII. Ex eodem antecedente, licet scilicet occidente invasoris vita, item facultatum, recte, ut defendunt Adversarii in Specimine, infert Amicus: Non solum licitum est defendere qua actu possidemus, sed etiam ad qua jus inchoatum habemus, & qua nos possessuros speramus. Defensionem, ut etiam admittunt Adversarii, intelligit occisivam, quam proinde male negant intelligi, dum verbis ante dictis immediate subjungit: Quare licitum est tam Heredi, quam Legatario contrā injustè impedientem, ne vel hereditas audeatur, vel Legata solvantur, se defendere, sicut & jus habent in Cathedram & præbendam contrā eorum possessionem injustè impedientem.

Veræ-ne, an falso sint hæ consequentie: si liceat occidere invasorem vita, licet etiam facultatum; si facultatum, licet & honoris, adeoque fas est viro honorato, &c. Item si facultatum, ergo est licitum Religioso, vel Clerico, &c. Et denique si facultatum, ergo etiam eorum, ad qua jus inchoatum habemus. Veræ-ne inquam, an falso sint illæ consequentie, hactenus non inquirimus. Demus ergo Lessio hanc esse veram consequentiam, si liceat occidere invasorem facultatum, ergo fas est viro honorato, &c. Demus pariter P. Amico quod vera sit hæc consequentia, si facultatum, ergo est licitum Religioso vel Clerico, &c. Demus similiter Auctoriis Speciminis etiam hanc esse veram: si facultatum, ergo etiam eorum ad qua jus &c. Et omnibus illis demus, quod vera sit hæc consequentia: si licet occidere invasorem vita, licet facultatum. Verum nunc illi, velint nolint, coguntur nobis vicissim dare, quod bene sequatur ab opposito consequentis ad oppositum antecedentis: falsum est 1. quod fas sit viro honorato occidere invasorem, qui fustem, vel alapam nistit impingere: falsum est 2. quod licitum sit Religioso vel Clerico calumniatorem gravia crimina de se vel de sua Religionē spargere minantem occidere, quandō, &c. Falsum est 3. quod liceat defendere defensione occisivā, ad qua jus inchoatum habemus: ergo etiam falsum est illud antecedens, ex quo quodlibet illorum infertur scilicet hoc: Licitum est occidere invasorem facultatum.

Similiter ab opposito consequentis sequitur ad oppositum antecedentis: si falsum est quod liceat occidere invasorem facultatum, falsum est, quod liceat occidere invasorem vita: adeoque argumento, ut aiunt, ad hominem adversus Lessium, Amicum, Authores Speciminis, & tam multos alios, qui etiam ejusmodi consequentias fecerunt, jam probatum est, quod illicitum sit, non solum occidere invasorem facultatum, sed etiam illicitum sit occidere invasorem vita. Verum ut hoc omnibus, & absolutè probetur alio argumentorum genere, quam quæ ad hominem vocantur, probandum est.

## CONCLUSIO SEPTIMA.

Ostenditur brevissimè quod non liceat occidere Invasorem facultatum, & fusè quod non liceat occidere Invasorem vita.

### §. I.

Occiso Invasoris facultatum necessariò invertit ordinem amoris & adversatur præcepto dilectionis proximi.

IN Thesibus die 27. Januarii hoc anno defensis, Conclusione tertia, probavimus quod virtus sit Ordo amoris & quod vitium sit inordinatio amoris. Ubi etiam assignavimus alias regulas ad ordinem amoris spectantes, inter quas secunda erat: Creaturæ rationales præ irrationalibus sunt diligendæ, & vita corporalis præ rebus inferioribus. Porro huic regule

B

gulae

gulæ tam manifestè repugnat occiso hominis pro rebus temporalibus, quæ clarum est res temporales pro quibus conservandis proximi vita perditur esse hæc inferiores. Clarum etiam est res istas temporales esse inferiores spe salutis æternæ proximi, quæ tunc unâ cum vita temporali perditur. Quam procul ille occisor abest à spiritu Christi, non solum res temporales, sed etiam vitam ipsam dantis pro salute nostra. Quæ bellè præterea ille qui pro re temporali occidit proximum diligit illum sicut seipsum. Denique quomodo implet illud, & nos debemus pro fratribus animas ponere.

§. 2.

*Ratione ex parte principii occisionis verbis Sancti Augustini ante expressâ ostenditur illicite occidi Invasorem Vitæ.*

**C**onclusione 1. harum Thesium, primum nostris, deinde S. Augustini verbis diximus, quod his exceptis, quos Deus occidi jubet, sive data lege, sive ad personam pro tempore expressa iussione, quisquis hominem vel se ipsum, vel quilibet occiderit, homicidii criminè innæctatur. Ratio hujus assertionis, ibidem allegata, est: quod Deus jus vitæ & necis ita sibi soli reservaverit, mandando ante legem: *quicumque effuderit humatum sanguinem, fundetur sanguis illius.* Gen. 9. & in ipsa Lege: *non occides*, ut hominem ab homine occidi noluerit, nisi secundum exceptiones, ipsius Dei auctoritate factas; quales lib. 1. de Civit. cap. 21. S. Augustinus agnoscit in ipsis regulis à se positis duas, & in exemplorum speciebus tres: nam de his ait: "nequaquam contrâ hoc præceptum fecerunt, quo dictum est, *non occides*, qui Deo authore bella gesserunt (en primam exempli speciem) aut personam gerentes publicæ potestatis secundum ejus leges, hoc est, justissimæ rationis imperium, sceleratos morte punierunt. (Hæc est secunda exempli species.) Et Abraham non solum non est culpatus crudelitatis criminè, verum etiam laudatus est nomine pietatis, quod voluit filium nequaquam scelerate, sed obediens occidere." (& illa est tertia species exempli.) Quisquis proinde censeret licite occidi invasorem vitæ, debet similiter ostendere, quod Deus ipse lege generali, vel iussione speciali ab hoc suo præcepto, *non occides*, exceperit occisorem invasoris vitæ; sed illa exceptio hactenus ostensa non fuit, imo, ut credimus, ostendi numquam poterit.

§. 3.

*Ratione ex parte finis ipsius occisionis verbis S. Augustini ante expressâ, ostenditur, illicite occidi invasorem vitæ.*

**D**um præcepta patientiæ ex Evangelio allegavimus. Conclusionem secundâ, Augustini rursus verbis diximus: *Ista præcepta magis ad preparationem cordis, que intus est, pertinere, quam ad opus, quod in aperto fit; ut teneatur in secreto animi patientia cum bencvolentia, in manifesto autem id fiat, quod eis videretur prodeesse posse, quibus bene velle debemus.* Epist. 5. ad Marcellinum. Sed quis dicet occisorem invaseris vitæ in manifesto id facere, quod illi, sive saluti ejus æternæ proficit.

§. 4.

*Ipsâ autoritate S. Augustini probatur illicite occidi invasorem vitæ.*

**S**. Augustini Adversarii, contra quos Vindicias Augustinianas conscripsit Ex: P. Henricus Noris, S. Patri velut errorem objiciunt, eum dixisse: *Haud licitum esse, occidere graffazorem, qui nobis velit vitam eripere.* Ergo ipfismet fatentibus Augustinus censuit, id esse illici-

illicitum. Et revera, ita censuisse Augustinum, probatur imprimis ex lib. 1. de lib. arb. cap. 5.  
ubi dicit, eos non esse à peccato liberos, qui pro his rebus, quas contemni oportet, humana cæde polluti sunt. Inter res illas comprehendit etiam vitam corporis, & generaliter omnia, quæ inviti possumus perdere. Verba Augustini sunt: *Quomodo anim apud eam (divinam Providentiam) sunt isti à peccato liberi, qui pro his rebus, quas contemni oportet, humana cæde polluti sunt.* Hæc Augustinus ante Episcopatum, qui jam Episcopus in eadem sententia stetit, quam etiam militaribus Præfectis persuasit: nam Publicolæ viro illustri & militari, à quo super simili quæstione consultus fuerat: respondit Epist. 154. *De occidendo hominibus, ne ab aliis quisquam occidatur, non mihi placeat consilium, nisi forte sit miles, aut publicæ functione teneatur, ut nec pro se hoc faciat, sed pro aliis, vel pro civitate ubi etiam ipse est, accepta legitima potestate, si ejus congruit persona.*

### §. 5.

*Authoritate Sanctorum Cypriani & Ambrosii idem probatur.*

**S**anctus Cyprianus Epist. 56. & 57. docet quod occidere innocentibus nec nocentem liceat. Neque vero mirum cuiquam videri debet, inquit Pamelius, in annotationibus ad Epist. 57. Cyprianum in ea fuisse sententia ut potius fugiendum esse judicaret Christianis, quam ut se tuerentur contra Principis persecutoris imperium, quum apud illos nullus esset legitimus Magistratus, cui solus permisus est gladius. Haec tenus Pamelius. Similia habet Rigaltius in notis ad Epist. 56. ad illa verba Cypriani, *quibus (Christianis) occidere non licet.* Arma Christianorum, inquit, preces & lachrymæ, quandoque fuga: sæpiissimè autem fortis patientia constantia pro nomine Christi. Tertullianus in Apolog. apud istam disciplinam magis occidi licet quam occidere. Christus exarmato Petro, omnem Christianum discinxit. Hæc Rigaltius.

S. Cypriano conformis est Ambrosius lib. 3. Officiorum cap. 4. *Quærunt aliqui, inquit, si sapiens in naufragio positus insipienti naufrago tabulam extorquere possit, utrum debeat. Mihi quidem, et si probabilius communi videatur usui sapientem de naufragio quam insipientem evadere, tamen non videtur quod vir Christianus & justus & sapiens quærere sibi vitam alienâ morte debeat; utpote qui etiam in latronem armatum incidat, ferientem referire non possit; Ne dum salutem defendit, pietatem contaminet.* De quo in Evangelii libris, aperta & evidens sententia est, *reconde gladium tuum, omnis enim qui gladio percusserit, gladio ferietur.* Si ad hæc verba S. Ambrosii, qui Christianus, etiam in latronem armatum incidat, respondeas, agi de repereutiente potius ex vindicta; quam ex defensionis necessitate; non subsistit responsum: quia S. Ambrosius subjungit, *ne dum salutem defendit, pietatem contaminet;* agit proinde de repereutiente ex defensionis necessitate.

Plures alii Patres pro eadem sententia, quod non liceat occidere invasorem vitæ, ab aliis citantur, quos compendii causa in hisce Thesibus omittimus. Credimus equidem non abs re futurum si de mente S. Thomæ, quem alii pro hac sententia, alii contra eam stare putant, hic inquiramus.

## CONCLUSIO OCTAVA.

*Quid S. Thomas senserit de occisione Invaderis vita.*

**P**ostquam S. Thomas 2. 2. q. 64. art. 7. quæsiverat utrum liceat alicui occidere aliquem se defendendo; iamque ad propositam quæstionem responderat verbis illis, que nos pro sententiâ nostrâ, & alii pro opposita interpretanda censem, ultrâ non inquirit